



327 Líftrygging fiskimanna, viðtækari skilmálar

VÁTRYGGINGARSKILMÁLAR

1 Grundvöllur váttryggingarsamnings og orðskýringar.

- 1.1 Líftryggingin er áhættulíftrygging. Þar sem eigi er á annan veg kveðið í skilmálum þessum, gildir gildandi kjarasamningur.
- 1.2 Í skilmálum þessum hafa eftirtalin hugtök eftirfarandi merkingu:
 - a. **félagið**, TM líftryggingar hf.,
 - b. **váttryggingartaki**, sá er gerir samning við félagið um líftryggingu,
 - c. **váttryggður**, sá maður hvers lífs eða heilsu váttryggingin tekur til,
 - d. **líftryggingarsamningur**, sá samningur sem í gildi er milli félagsins og váttryggingartaka um líftrygginguna,
 - e. **líftryggingarfjárhæð**, sú fjárhæð sem greidd er út við váttryggingaratburð.

2. Gildistaka, uppsögn og lok váttryggingar.

- 2.1 Váttryggingin gildir frá þeim tíma sem greindur er í skírteini. Váttryggingin gildir fyrir það tímabil sem tilgreint er í váttryggingarskírteini eða iðgjaldskvittun. Þegar tímabilinu lýkur framlengist váttryggingin um eitt ár í senn nema váttryggingartaki hafi sagt henni upp innan mánaðar frá því að félagið sendi tilkynningu um gjalddaga hins nýja tímabils skv. (samkvæmt) gr. (grein) 3.2. Ekki er þó skylt að tilkynna uppsögn fyrr en tvær vikur eru til loka tímabilsins.
- 2.2 Váttrygging til skemmri tíma en árs endurnýjast ekki nema sérstaklega hafi verið um það samið.
- 2.3 Vilji váttryggingartaki segja váttryggingunni upp skal uppsögnin vera skrifleg.
- 2.4 Váttryggingin fellur úr gildi, ef skipið (báturinn) verður selt eða leigt, nema fyrir liggja skriflegt samþykki félagsins fyrir því að váttryggingin haldi áfram. Falli váttryggingin niður af þessum sökum endurgreiðist iðgjaldið hlutfallslega fyrir þann tíma sem eftir er af váttryggingartímabilinu.

3. Iðgjaldið, greiðsla þess og áhrif þess sé það ekki greitt.

- 3.1 Iðgjaldið er ákveðið samkvæmt gildandi gjaldskrá á hverjum tíma.
- 3.2 Greiða skal fyrsta iðgjald þegar váttryggingin gengur í gildi og síðari iðgjöld á tilgreindum gjalddögum. Félagið sendir váttryggingartaka tilkynningu um greiðslu iðgjaldsins. Í tilkynningunni skal greiðslufrestur tilgreindur sérstaklega sem skal vera einn mánuður hið skemmsta frá þeim degi sem tilkynningin er send.
- 3.3 Sé iðgjald ekki greitt þegar greiðslufresti lýkur skv. 2. mgr. (málgrein) er félaginu heimilt að senda sérstaka aðvörðun þar sem greiðsla er krafist innan 14 daga ella fellur váttryggingin niður sé iðgjaldið þá enn ógreitt.
- 3.4 Hafi váttryggingartaki ekki samið sérstaklega við félagið um greiðslu iðgjaldsins áður en frestur skv. 2. mgr. rennur út telst það ógreitt, ef það er ekki að fullu greitt þegar fresturinn er úti.
- 3.5 Krafa um greiðslu iðgjalds er send á heimilisfang váttryggingartaka sem tilgreint er í þjóðskrá nema hann hafi tilgreint annað heimilisfang sérstaklega. Breytingar á tilgreindu heimilisfangi skal þegar í stað tilkynna félaginu.
- 3.6 Falli váttrygging niður skv. 2. mgr. skal váttryggingartaki engu að síður greiða iðgjald fyrir það tímabil sem váttryggingin var í gildi. Reiknast þá iðgjaldið sem um skammtímatryggingu hafi verið að ræða.
- 3.7 Við innheimtu iðgjalds er félaginu heimilt að innheimta sérstakt gjald, sem nánar skal tilgreint í iðgjaldaskrá til að standa straum af kostnaði við innheimtu iðgjaldsins. Þess skal einnig getið sérstaklega í tilkynningu um greiðslu iðgjaldsins.

4. Breyting á aðstæðum.

- 4.1 Verði breytingar á aðstæðum váttryggðs, sem nánar eru tilgreindar í váttryggingarskírteini og ákvörðun iðgjalds tekur mið af, skal félaginu tilkynnt um breytingarnar þegar í stað og eigið síðar en við næstu iðgjaldsgreiðslu eftir breytinguna. Leiði vanræksla á tilkynningu til þess að iðgjald verði ekki hækkað, lækkar ábyrgð félagsins vegna sérhvers váttryggingartilviks hlutfallslega miðað við það iðgjald sem félagið hefði áskilið sér hefði það vitað af hinum breyttu aðstæðum.



327 Líftrygging fiskimanna, viðtækari skilmálar

VÁTRYGGINGARSKILMÁLAR

5. Takmörkun á ábyrgð félagsins.

5.1 Vátryggingin bætir ekki tjón vegna hvers konar líffræðilegra eða efnafræðilegra áhrifa og/eða eitrunar, þ.m.t. vegna sýkla og veira, af völdum hryðjuverka. Sjá enn fremur 11. gr., sérstakan skildaga.

6. Svik og rangar upplýsingar.

6.1 Hafi vátryggingartaki eða vátryggður við gerð vátryggingarsamnings eða við endurnýjun sviksamlega eða með öðrum hætti vanrækt skyldu sína til að veita félaginu upplýsingar um atvik sem haft geta þýðingu fyrir mat þess á áhættunni og vátryggingaratburður hefur orðið fellur ábyrgð félagsins niður í heild eða að hluta, sbr. (samanber) 83. gr. vátryggingarsamningalaga. Rangar og ófullnægjandi upplýsingar veita félaginu enn fremur rétt til að segja vátryggingunni upp, sbr. 84. gr. laganna.

6.2 Veiti sá er hyggst krefja félagið bóta rangar upplýsingar sem hann veit eða má vita að leiða til þess að hann fær greiddar bætur sem hann á ekki rétt til fellur bótaréttur hans niður og félagið getur sagt upp öllum vátryggingarsamningum sínum við viðkomandi eins og nánar greinir í 120. gr. vátryggingarsamningalaga.

7. Greiðsla bóta og vextir.

7.1 Krefjast má greiðslu líftryggingarfjárhæðarinnar 14 dögum eftir að félagið átti þess kost að afla þeirra gagna sem þörf var á til að meta vátryggingaratburðinn og ákveða fjárhæð bóta.

7.2 Réttthafi bóta á rétt á vöxtum af kröfu sinni skv. 123. gr. vátryggingarsamningalaga.

8. Iðgjaldsendurgreiðsla samkvæmt vottorði.

8.1 Þegar vátryggingarárið er liðið, ber vátryggingartaka að leggja fram vottorð skráningarstjóra um lögskráningu eða ráðningu á skipið á vátryggingartímanum. Hann fær þá endurgreitt, ef hann hefur greitt of há iðgjöld. Vottorð þessi ber vátryggingartaka að leggja fram svo fljótt sem unnt er. Iðgjöld endurgreiðast ekki lengra aftur í tímann en frá tveimur síðustu vátryggingarárunum.

9. Lög um vátryggingarsamninga.

9.1 Að öðru leyti en kveðið er á um í skilmálum þessum, vátryggingarskírteini eða öðrum gögnum, sem vátryggingarsamningurinn byggir á, gilda um hann lög um vátryggingarsamninga nr. (númer) 30/2004.

10. Meðferð ágreiningsmála og varnarþing.

10.1 Verði ágreiningur um vátrygginguna skal íslenskur dómstóll skera úr honum samkvæmt íslenskum lögum.

10.2 Ágreiningi varðandi vátryggingarsamning og bótaskyldu félagsins að öðru leyti má skjóta til úrskurðarnefndar í vátryggingamálum. Upplýsingar um nefndina og starfshætti hennar má fá hjá félaginu.

10.3 Þrátt fyrir úrræði 2. mgr. er aðilum heimilt að leggja ágreininginn fyrir dómstóla. Slík mál, svo og önnur mál sem rísa út af vátryggingu þessari, skulu rekin fyrir Héraðsdómi Reykjavíkur. Félaginu er þó einnig heimilt að höfða mál út af vátryggingunni á heimilisvarnarþingi vátryggingartaka.

10.4 Heimili félagsins og varnarþing er í Reykjavík.

11. Líftrygging fiskimanna.

11.1 Útdráttur úr kjarasamningi samþykktum 16.01.1987 um sótt dauðabætur:

“Veikist skipverji um borð í skipi sínu meðan skip hans er á siglingu og leiði veikindin hann til dauða innan tveggja mánaða skal útgerðarmaður greiða kr. (krónur) 550.000,- til eftirlifandi maka eða eftirlifandi barna innan 18 ára aldurs. Með maka er hér einnig átt við sambúðarmann eða sambúðarkonu skv. reglum Tryggingastofnunar ríkisins, sbr. 52. gr. laga um almannatryggingar. Láti skipverjinn ekki eftir sig maka eða börn skv. framansögðu skal greiða til dánarbús hins látna helming dánarbóta samkv. fyrri málsgrein. Útgerðarmaður skal í þessu skyni kaupa tryggingar, er breytist ársfjórðungslega í sama mæli og vátryggingarfjárhæðir skv. 172. gr. siglingalaga. Tryggingafjárhæðin lækkar þó um 4% fyrir hvert aldursár eftir að hinn tryggði nær fimmtíu ára aldri og fellur niður eftir að hann nær sjötíu ára aldri. Um trygginguna gilda eftir því sem við á að öðru leyti, skilmálar líftryggingafélaganna fyrir hóplíftryggingar. Tryggingin taki



327 Líftrygging fiskimanna, víðtækari skilmálar

VÁTRYGGINGARSKILMÁLAR

gildi 15 dögum eftir undirskrift samningsins.”

Sérstakur skildagi fyrir víðtækari líftryggingu fiskimanna.

Þrátt fyrir framangreind ákvæði í kjarasamningi um gildissvið hóplíftryggingarinnar, gildir líftrygging þessi, ef sjómaður deyr meðan hann er ráðinn í skipsrúm hjá vátryggingartaka (útgerðarmanni) eða hann veikist á þeim tíma og veikindi, leiða til dauða innan tveggja mánaða eftir að hann hvarf úr skipsrúmi. Hafi sjómaður svipt sig lífi og hann verið skráður í skipsrúm skemur en samanlagt 180 daga á síðastliðnum tólf mánuðum fyrir dánardag er félagið laust úr ábyrgð nema sannað teljist að sjálfsvíg hafi ekki verið haft í huga þegar hann var fyrst skráður í skipsrúm á tímabilinu. Líftryggingarfjárhæðin greiðist ekki, ef sjómaður deyr af slysförum og bætur greiðast úr slysatryggingu sjómanna.

Skilmálar þessir gilda frá 1. júlí 2014.